

Ҳадис дарслари (223-дарс) Таҳорат қилишда сувни исроф қилмаслик

Ҳадис
ДАРСЛАРИ

223-ДАРС

Шайх Муҳаммад Содиқ Муҳаммад Юсуф роҳимаҳуллоҳнинг «Ҳадис ва ҳаёт» туркум китоби асосида бериб борилади. Мавзуларнинг тўлиқ матни билан танишиш учун китобнинг ўзига мурожаат қилиш тавсия этилади.



19:00 / 23.03.2023 2406

لُوقِيْ هُنَّعُ هَلَلَا يَضْرَسَنَّا نَع
هَيْلَعُ هَلَلَا يَصُّبُّنَّا نَاك
يَلِإِعْصَابُ لَسَتَّعِي مَلَسَو
هَآوَرِ دُمْلَابُ أَضَوَّتَيِّو دَاذْمَآة سَمَخ
ة سَمَخَلَا

Анас розияллоҳу анҳудан ривоят қилинади. У киши айтадилар:

«**Набий соллаллоҳу алайҳи васаллам бир соъдан беш муддгача (бўлган сув) билан ғул қилар эдилар ва бир мудд билан таҳорат қилар эдилар**».

Бешовлари ривоят қилганлар.

«Соъ» – 2,75 литр сув сиғадиган идиш. Бир мудд сув эса 0,688 литр бўлади. Демак, Пайғамбаримиз соллаллоҳу алайҳи васаллам камида 2,75 литр сув билан, кўпи билан 3,440 литр сув ёрдамида ғусл қилганлар ва 0,688 литр сув билан таҳорат қилганлар.

Таҳоратда сувни иложи бўлса, Пайғамбаримиз соллаллоҳу алайҳи васаллам ишлатган миқдорда ишлатсак, одобни жойига қўйган бўламиз. Бунда ер юзидаги ҳаётнинг муҳим омили бўлмиш сувни тежаш тарфиботи ҳам бор.

Бир вақтлар «Пайғамбаримиз соллаллоҳу алайҳи васаллам сув ўта танқис жойда яшаганликлари учун шундай қилганлар», деган фикр ҳам бўлган. Лекин вақт ўтиб, ҳаёт ўзгариши туфайли сув ўта сероб жойларда ҳам муаммолар пайдо бўлмоқда. Ҳатто денгизлар ҳам қуриб қолмоқда. Бу эса каттаю кичик ҳар бир нарсада сувга нисбатан ниҳоятда тежамкор бўлиш заруратини келтириб чиқармоқда.

«Ҳадис ва ҳаёт» китобининг 4-жузи асосида тайёрланди.

Ушбу китоб Ўзбекистон Республикаси Дин ишлари бўйича қўмитанинг 2022 йил 18 февралдаги 03-07/1102-рақамли хулосаси асосида чоп этилган.